

I S A G O G E S A

S T R O L O G I A E I V D I C I L

A R I A E C L A R I S S I M I M A T H E

matici Ioannis Schoneri Carolostadij pars prima;

seriem ac dispositionem Ephemeridis explicans.

C A N O N P R I M V S.



R I N C I P I O P O N I T V R N U M E R V S

anni, ad quem ipsa Ephemeris est calculata: deinde sequitur aureus numerus, Cyclus solaris, litera dominicalis, Indictio, Interuallum, & coetera festa mobilia, & si quod luminarium eo anno defectum luminis patietur, cum debita eius figuraione. Coeterum etiam quinq; planetarum regressiones, & quantum durabunt eorum regressiones, si contigerint. Iam etiam verso folio duplex offertur paginae facies: sinistra quidem facie, numeri motu uerorum, in gradibus & minutis disponuntur. Verum quo articulatius singula discernas, in ea facie ad sinistram Mensis notatur, cum insignibus quibusdam suis diebus festiuis, literae dominicali repetita, ac numero dierum suorum, ut certo & omnibus noto tempori motus certus assignetur. Succedunt deinceps eccl columnulae, lineis discretae singularibus, quarum prima Solis est, secunda Lunæ, tertia Saturno, quarta Ioui, quinta Marti, sexta Veneri, septima Mercurio, octaua capiti draconis Lunæ dicatur, characteribus proprijs hunc ordinem superne commonstrantibus. Unaquæq; etiam columnula duplum habet numerorum ordinem, graduum uidelicet ac minutorum per literas gr. & m. in capitibus eorum notatorum, qui cuius sint signi, character proximi suppositus admonet. Omnis autem motus uerus hic designatus ad meridiem refertur diei, cuius numero opponuntur gradus, & minuta talis motus. Dies etiam æquales supponunt, ueluti supputatio postulat Astronomica. Coeterum singulæ planetarum columnulae binas in capitibus gestant literas, quæ singulorum partem latitudinis ad initia mentium indicant, nempe his duabus S.A. Septentrionalis ascendens: Illis autem S. D. Septentrionalis descendens planeta insinuatur. Sic M.D. meridianum descendenter: & M.A. meridianum ascender tem significant. Latitudines autem quinq; planetarum in gradibus, & minutis in calce cuiusvis mensis ad primum, decimum & uigilimum diem mensis suppositi deprehendes, quæ secundum literarum capitalium signationem iam supra expositam nomen sortientur, planetisq; adaptabuntur: nisi in textu numerorum à capite columnulae ad pedem eiusdem descendendo litera S. M. uel A. D. à capitalibus discrepans, occurrerit: tunc enim aut latitudo planetæ, aut eius ascensus uel descensus in latitudine pro literæ expressione mutabitur. Nunc demum quæ in dextra facie notantur, addiscamus. Sed maiorem huius interpretationis partem, titulus capitalis absoluit, quippe aspectus Lunæ ad Solem & planetas, sex columnulis exponuntur, quæ Solis ac planetarum sex proprias notas in capitibus tabulæ aspectuum assignatas gerunt. Aspectuum quidem differentijs, per characteres etiam suos designatis, ☾ Opposito, △ Trigono, □ Quadrato, * Sextili, ☩ Coniunctione. Horis autem, quibus aspectus ipsi perficiuntur, à meridie initium sumentibns, post aspectus characterem adiunctis. Verum coniunctiones luminarium, oppositiones, ac qua-

A dratura,